

Classification: Official  
Publications approval reference: C1321

## **E KOVID-19 vaksina si thanestethodi thaj kiro si o ćaciġpe (xakaj, pravo, drepto) te aves garavdo (protektirime) andar e infekciozne nasvalimata**

**E KOVID-19 vaksina si bilovali savorenge ando Kidindo Thagaripe (UK). Kadava tholandre sa e migrantonen.**

Milionura ŷene kerde peske e KOVID-19 vaksina ando Kidindo Thagaripe (UK). Voj si suguro thaj naj la andre nisave animaloske aj dukhavdine andresimata (ingredientura, sostavke). Voj si em e laġhi ćhan te garaves tut andar meripe aj seriozno nasvalipe andar o KOVID-19.

**Tut ni trubul tut te avel tut GP (doktoro) aj ekh NHS numero te keres tuke e KOVID-19 vaksina.**

**Te tut naj tut ekh NHS numero** tu śaj kontaktiris kire lokalnone GP (doktoroske) klinika te keres tuke e vaksina aj te ŷas ka ekh KOVID-19 vaksinako phirandre centro.

**Te tut si tut ekh NHS numero**, kana tu san akhardo kire vaksinake, ame kuraŷis tut te ŷas.

Te dumodas (ŷutisaras, pomoŷinas) tut te dikhes so si em laġhe tuke thaj averenge kon beśel tusa ando kher, ame ka das tut informacija vaś e KOVID-19 vaksina thaj tu śaj puśes ekhe sastimaske bukjarne lake.

Tu **nisar naj ka aves zorime (forcome)** te keres tuke e KOVID-19 vaksina thaj voj **ni kerel efekto** pe kiro azilosko aj naślinesko (refugesko) statuto.

**Ni trubun imigracijake kontrole** te keres tuke o testo, te aves sastardo aj vaksinirime andar o KOVID-19.

Te avel tut em o laġho garavipe (protekcija) mamujal o KOVID-19 tut norlano **trubul te avel tut duj doze** andar e KOVID-19 vaksina.

**Ekhvare kaj sanas vaksinirime** tut ka avel tut dindo ekh karta informacijasa andar kiri vaksina, te tu śaj, le kadaja karta kana tu ŷas kire dujtone vaksinake. Te tut naj tuke dindi kadaja karta, kamas tutar te manges ekh.

Tu śaj gines maj but informacija andar e KOVID-19 vaksina ande anglikani thaj aver ćhiba:

- [COVID-19 guide for older adults](#)
- [NHS England COVID-19 vaccination communication materials](#)
- [COVID-19 vaccination for women of childbearing age, pregnant, planning a pregnancy or breastfeeding](#)
- [COVID-19 easy read resources](#)
- [Doctors of the World UK COVID-19 vaccination information](#)

## Šaj me te registririv man pašal ekh GP (doktoro)?

**Sakoekh** ando Kidindo Thagaripe (UK) šaj alosarel te registril pe pašal ekh GP (doktoro). Kiro GP šaj dumodel (žutisarel, pomožinel) tut te des andre e sastimaske servisura.

Tu šaj aves pušdino vaš kiro adresako dovodo aj personalno identitetoski karta.

**Te tut naj tut adresako dovodo aj personalno identitetoski karta**, phen lenge kaj tut naj tut. Tu važe (inke) šaj registriris tut pašal o GP (doktoro).

**Te tut si tut adresako dovodo aj personalno identitetoski karta**, zumav thaj de len te tu šaj.

E informacija savi kire doktoros si les tuke thaj kire sastimaske si **garavdi averendar (konfidencijalno)**.

Tu šaj sikaves kadava lil kire GP-ske (doktoroske) kana tu registriris tut, te tu arakhes kadava dumodavno (žutisarno, pomožisarno).

Majbute dumodimaske (žutimaske, pomožimaske) te arakhes aj registriris tut pašal ekh GP (doktoro), vaker (de duma) kire khereske bukjarnesa aj telefonisar ka 0300 311 2233. Tu šaj arakhes maj but informacija ka [NHS website](#) thaj [GP access cards](#).

Pakivasa



### **Dr Nikki Kanani**

Deputy SRO, COVID-19 Vaccination

Deployment Programme

Medical Director of Primary Care

**NHS England and NHS Improvement**

This letter is translated into Romani.

This letter is also available in English and translated into Arabic, Bengali, Brazilian Portuguese, Bulgarian, Chinese, Czech, Estonian, Farsi, Greek, Gujarati, Hindi, Latvian, Lithuanian, Punjabi, Polish, Romanian, Russian, Spanish, Somali, Turkish, Twi, Ukrainian and Urdu.